



**Institutiones Canonicæ Sive Ius Ecclesiasticvm**

**Wiestner, Jacob**

**Monachii, 1706**

IV. De vi Præsumptionis Necessariæ, sive Juris & de Jure.

---

[urn:nbn:de:hbz:466:1-62656](#)

noch. q. t. n. 18. & Haunold. Tom. 5.  
de J. & J. Tract. 4. n. 637.

32. Quinçò, quæ est magis specialis; quia specialis plus, quam generalia operantur, arg. l. Item apud Labeonem, 15. §. 26. ff. de Injuriis; sic enim, licet generaliter, cum facinoris aut danni facti author ignoratur, contra vicinum præsumatur, arg. l. Dominus 55. pr. ff. Locati, generali tamen huic præsumptioni prævalet specialis, orta ex vicini probitate & integritate, Menoch. de Arbitr. casu 472. num. 14.

33. Sextò, quæ fundata est in ratione Naturali: quæ inhæret Juri communi: quæ est verisimilior: quæ non inducit inæqualitatem vel aliquod absurdum: quæ deducitur à possessione, potentior est eā, quæ res quælibet libera censetur esse, & aliae, de quibus latè laudatus Menoch: cit. q. 29. Casu 472.

#### ARTICULUS IV.

#### De VI Præsumptionis Necessariæ, sive Juris & de Jure.

##### S U M M A R I U M .

34. Hac plenè probat, nec admittit præsumptionem contrarii:  
 35. Nisi hoc sit indirecta,  
 36. Vel fiat per allegationem Notorii,  
 37. Aut Confessionem judicialem,  
 38. Non eriam extrajudicialem:  
 39. Per Instrumentum publicum,  
 40. Vel testes quinque:  
 41. Imò etiam duos vel tres summa fidei:  
 42. Vel à parte adversa admittatur.  
 43. Contra sententiam ex ea latam nequit appellari.

**P**ostrema, sive Juris & de Jure, sat- 34:  
que, ut etiam nuncupatur, Neces-  
sariæ præsumptio plena & ad  
sententiam in causis, tam Crimi-  
nalibus, quam Civilibus, secundum eam  
ferendam omnino sufficientis probationis  
vim habet, hōc ipsō; quid, ut dictum,  
pro veritat habeatur, & directam pro-  
bationem in contrarium regulariter non  
admittat. Directam, inquam, & Regu-  
lariter.

Prius; quia præsumptionem indirectam, 35.

quæ præsumptionem Juris & de Jure non  
dari ostendatur, admitti, communis DD.  
sensus & ratio est; quia hujusmodi pro-  
batio immediate non tendit ad probatio-  
nem ejus, cuius contrarium Jus præsumit:  
sed foliummodo ostendit, non concurre-  
re omnes qualitates & circumstantias,  
præsumptionem Juris & de Jure consti-  
tuentes, ut patet in exemplis; sic enim  
admittitur probatio, quæ ostendatur, In-  
strumentum, quod in iudicio productum  
est, non esse publicum, sed privatum, aut  
confiditum: quantumvis in Instrumento  
publico dispositivè contenta vera esse, Ju-  
ris & de Jure præsumptio sit. Sic mu-  
lierem metu, sicut matrimonium init,  
aut Religionem professa est, viro coha-  
bitasse, aut in Religione perseverasse, pro-  
bari potest: quantumvis eam, quæ per  
sesqui annum viro liberè cohabitavit, in  
eius conjugium verè consensisse, c. Ad  
id 21. de Sponsal. & Matr. & eam, quæ  
quinquenniò non reclamavit, possesso-  
nem interea ratificasse, præsumatur à Tri-  
dent. Seß. 25. cap. 19. de Regular. Sic  
etiam possessionem, quæ memoriam ho-  
minum dicitur excedere, & justò titulò  
niti, à Jure firmiter præsumitur, l. Hoc  
jure 3. §. 4. ff. de Aqua quotid. non imme-  
moriam, aut mala fide esse continuatam,  
probari potest, Haunold. Tom. 5. de J. &  
J. Tract. 4. n. 641. cum Menochio Lib. 1.

Ff f 2 de Pra-

de Præsumpt. quest. 65. à n. 2. hanc rem pluribus exemplis firmante ac declarante.

36. Posteriorius; quia contra præsumptionem Juris & de Jure, sive id, quod Justa præsumit, admittitur Primo allegatio Notorii; qui generali exclusione probationum ea, quæ ex evidentiâ facti desumitur, exclusa non censetur, Bald. in Rubric. de Probat. Felinus in c. Quanto 8. bīc n. 5. Everard. Legal. arg. loco 11. num. 20. & cit. Menoch. q. 67. n. 2. dummodo notorum quod allegatur, sit facti permanentis, sive, quod omnium oculis se exhibet, ut id, cum liber, licet intueri: non transeuntis, ut vg. homicidium, quod in populi conspectu commissum est; cum enim notorum transiens, sive facti transeuntis, probari, vg. per testes, necesse sit, non magis per ipsū, quam per hos facienda probatio contra Juris & de Jure præsumptionem admittetur, citt. Menoch. n. 3. & Mascal. de Probat. Preem. q. 10. n. 62.

37. Secundò, Confessio judicialis facta ab eo, pro quo præsumptio militat; sic euim præsumptioni, quæ est aduersus tutorem, quodd res, ab eo in inventario descripta, verè fuerint in bonis defuncti, l. fin. C. Arbitr. tutel. prævaleret confessio pupilli: si iste major factus, eas per errorem descriptas, fateatur. Eodem modo contra præsumptionem faventem ei, pro quo lata sententia transit in rem judicatam, l. Res judicata 207. ff. de R. J. admittitur confessio victoris, rem aliter se habere in judicio afferentis, Panormit. in c. Is, qui fidem 30. de Spofsal. & Matr. n. 5. Felinus in c. Quanto cit. n. 3. & aliis relatis cit. Menoch. q. 6. hanc rem pluribus exemplis illustrans. Ratio est; quia, licet ea, de qua agimus, præsumptio pro veritate habeatur, reip̄a tamen veritas non est; cum circa id, quod dubium est, versetur: confessio autem ejus, cui præ-

sumptio faret, ipsa veritas esse censetur, cum nemo contra se ipsum temere confiteri præsumatur; eāque ob causam proprii oris confessio prō omnium optimæ & efficacissima probatione habeatur: partim verò; quia hujusmodi Confessio inducit notorum; ac proinde, sicut hoc, sic etiam ipsi locus est, ubi aliae probatores excluduntur, Maranta de Ord. Judic. p. 6. ad. 5. n. 25.

Negue obstat; quod contra præsumptionem matrimonii, à sponsis de futuro, per supervenientem copulam carnalem contracti, admissa olim non fuerit confessio utriusque, afferentis, se alio; quia conjugii ineundi animo coivise. Non, inquam, hoc obstat; quia talem confessionem antiquo Jure admissam, existimat. cit. Menoch. Lib. 3. præfūmp. 1. n. 12. Si hoc negetur, non minus expedite illi respondent, præsumptionem illam flatasse favorem, non tam sponsorum quam ipsius matrimonii & publici boni: cujus interest, tale matrimonium subfistere; ne conjuges tædiò affecti à veris conjugi facile recedant. Accedit; quod adversus præsumptionem Juris & de Jure confessioni locus eō solum casu sit, quō res pendet à voluntate eorum, quorum confessione præsumptio dicitur tolli: cujusmodi res non est matrimonium, quod ab Ecclesia præsumitur contractum, illi. Menoch. q. 61. n. 11. & Haunold. Tom. 5. de J. & J. Tract. 4. n. 639.

An contra Præsumptionem Juris & de Jure etiam Confessio extrajudicialis admittatur, controversum est inter DD. hanc enim contra illam admitti, cum Baldio in l. In contraddictibus 14. pr. G. de Non numerata pec. num. 7. affitant. cit. Menoch. q. 61. n. 16. & Haunold. cit. Tract. 4. n. 640. faltem de confessione extrajudiciali plenè probandi via habente: dummodo eam ab illo, cui præsumptio fave.

favit, serio & deliberate factam, in judicio legitimè probetur. Rationem redunt; quia, cùm nemo in præjudicium suum falsum assertere censeatur, etiam talis confessio pro veritate habetur. Sed verius id cum Alciat. de *Præsumpt.* *Prælud.* p. 2. n. 5. negant Mafcard. de *Probat.* *Proam.* q. 10. n. 52. & Zoculus in *ff.* de *Probat.* & *Præsumpt.* n. 17. cùm; quòd confessio extrajudicialis non eadēm vi predita, neque ita certa sit, ut in judicio allegata & per duos testes probata, pro comperta veritate, initia judicialis, haberi possit: tum verò; quòd confessio nem extra iudicium factam, & factam animò seriò ac deliberatò in iudicio per testes, perinde ut facti transeuntis notorium, probari, sit necesse; ac proinde adversus præsumptionem Juris & de Jure non magis, quàm duorum testimonium, hujusmodi confessio admissi possit: sicut contra illam, allegationem notorii facti transeuntis non magis, quàm probationem, que per testes fit, admitti, docet Menoch. cit. q. 67. n. 3. cuius etiam ratio corruit ex dictis.

39. Tertiò, productò Instrumentò publico ejusmodi præsumptionis vim elidi posse, afferit Mafcard. de *Probat.* *Proam.* q. 10. n. 72. & suadet ratio; quòd instrumentum publicum rem faciat liquidam & evidenter, habeatque pro se præsumptionem veritatis, Baldus in *Rubric.* de *C. Fide instrument.* & Everard. de *Fide instrument.* cap. 3. à n. 2.
40. Quartò, contra ejusmodi præsumptionem admittitur probatio per quinque testes; sic enim contra scriptam confessionem certa summæ, ex mutui vel alia causa recepta, quinque idoneorum & omni exceptione majorum testimoni depositiones recipiuntur, & Juris ac de Jure præsumptionem ex confessione illa ortam elidunt, l. *Generaliter* 13. C. de *Non numer.*

pec. & l. *Testium* 18. C. de *Testibus.* Bartol. in l. *Generaliter* cit. n. 9. & cit. Menoch. q. 63. n. 1.

An ad eam elidendam etiam duo vel 41. tres valde Legales, omnique exceptione majores, & summa fidei testes admittantur, controversum est inter DD, id enīa negat Baldus in c. *Juravis* 6. de *Probat.* n. 8. quòd Jus, cùm direclam probationem in contrarium respuit, duorum vel trium ejusmodi testimoni depositiones admittendas, nuspianam exprefserit. Affirmat autem aliis DD. allegatis cit. Menoch. q. 63. n. 1. eā motus ratione; quòd, cùm ex Juris communis & statutarīi etiam dispositione probatio rejicitur, exceptā, quā per instrumentum publicum fit, nihilominus hujusmodi legales & summa fidei testes admittantur, eorūmque depositionibus elidatur vis publici instrumenti; quantumvis in illo dispositivè contenta vera esse, Juris & de Jure præsumptio sit, Bartol. in l. 1. §. Et parvi 2. ff. *Quod vi aut clam.* n. 2.

Quintò, contra præsumptionem Ju. 42. ris & de Jure, sine oppositione admissa probatio, probanti prodest, & præsumptionem illam tollit, si materia præsumptionis, sive id, quod Jus præsumit, pendat à voluntate ejus, pro quo ejusmodi præsumptio pugnat; quia iste, cùm posset, nihil opponendō tacitè consentire, & jus suum remittere censetur, cit. Felinus n. 4. Alciat. p. 2. n. 9. & Menoch. q. 68. n. 1. & 2.

Cæterum Juris & de Jure sive necessariae Præsumptionis ea vis est; ut à sententia definitiva, ex ea lata, nequeat appellari; quòd ejusmodi præsumptio pro veritate, eaque gravatus pro convicto habeatur: convicto autem appellatio denegetur. Observare 2. C. *Quorum appellatio non recip.* Baldus in l. *Si qui* 34. C. ad L. *Jul. de Adult.* n. 2. & cit. Menoch. q. 76. num. 1.

FFF

TITU-